

**KJKP "VODOVOD I KANALIZACIJA" d.o.o. SARAJEVO**  
**v.d. DIREKTOR**  
**Izvod broj : 26/20**

Sarajevo, 01.10. 2020. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14) ), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 26/20 od 16.09.2020. godine, u postupku javne nabavke br. 26/20 „**Održavanje telemetrijskog sistema na PPOV Butila**“ donosi se :

**ODLUKA**  
o izboru najpovoljnijeg ponuđača

**Član 1**

Postupajući prema Rješenju Ureda za razmatranje žalbi broj: JH2-03-07-1-1839-7/20 od 03.09.2020. godine, poništava se Odluka o poništenju postupka br. 26/20 od 08.07.2020. godine u postupku javne nabavke usluga: „Održavanje telemetrijskog sistema na PPOV Butila“ – tender broj 26/20 – Obavještenje o nabavci br. 247-1-2-46-3-172/20 objavljeno na portal javnih nabavke dana: 26.05.2020.godine.

**Član 2.**

Prihvata se preporuka Komisije za javne nabavke o izboru najpovoljnijeg ponuđača broj 26/20 od 16.09.2020. godine i ugovor za javnu nabavku usluga : „Održavanje telemetrijskog sistema na PPOV Butila“ – tender broj 26/20 dodjeljuje se ponuđaču: „**Electra**“ d.o.o. Sarajevo ponuda broj: 118/P/2020 od 23.06.2020.godine, za ponuđenu cijenu od **69.960,00 KM bez PDV-a** ,kao najbolje ocijenjenom.

**Član 3.**

Prijedlog ugovora o nabavci dostaviti će se na potpis izabranom ponuđaču „Electra“ d.o.o. Sarajevo, po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

**Član 4.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o Ź e n j e**

Postupak javne nabavke pokrenut je Odlukom o pokretanju postupka javne nabavke broj : OP 26/20 od 18.05.2020. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 70.000,00 KM.

Obavještenje o nabavci broj : 247-1-2-46-3-172/20 poslato je na objavljivanje na Portal javnih nabavki dana 26.05.2020.godine a sažetak obavještenja o nabavci je objavljen u Sl. glasniku BiH broj 30. od 29.05.2020.godine.

Komisija za javnu nabavku imenovana je Rješenjem br. 01/20 od 07.01.2020.godine i dopunsko Rješenje dodatnih članova Komisije br. 26/20-1 od 18.05.2020.godine.

Komisija za javnu nabavku dostavila je dana 24.09.2020.g. Preporuku o izboru najpovoljnijeg ponuđača broj 26/20 u postupku javne nabavke usluga : „Održavanje telemetrijskog sistema na PPOV Butila“- tender broj 26/20.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 1 (jedna) ponuda, ponuđača: „Electra“ d.o.o. Sarajevo
- Da je blagovremeno zaprimljena: 1 (jedna) ponuda, ponuđača: „Electra“ d.o.o. Sarajevo

Nakon izvršenog otvaranja ponude, Komisija za javne nabavke je dana: 24.06.2020 godine pristupila pregledu i ocjeni pristigle ponude u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponude, dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji, pregledu ostale zahtjevano dokumentacije, aneksa-priloga i pregledu ponuda sa aspekta postavljenih tehničkih zahtjeva u pogledu opisa predmeta nabavke i tehničke specifikacije, kao i ostalih postavljenih tenderskih uslova a o čemu je dana 29.06.2020. godine sačinila Zapisnik o pregledu i ocjeni ponuda, broj 26/20 i Preporuku o poništenju predmetnog postupka javne nabavke, broj 26/20.

U pomenutom Zapisniku o pregledu i ocjeni ponuda komisija za javne nabavke je konstatovala da je ponuđač „ELECTRA“ d.o.o. Sarajevo u Obrascu za cijenu ponude – Aneks III; Prilog 2., izvršio ispravke koje nisu urađene u skladu sa zahtjevima iz tačke 17.1.5 tenderske dokumentacije „Ispravke u ponudi“. Navedena ispravka je urađena na sljedeći način:

- na strani br. 15. ponude, za stavku pod rednim brojem 6. specifikacije u kolonama 10. i 12. urađene ispravke na način da je raniji iznos prekriven korektorom i preko njega je upisan novi iznos koji je potvrđen potpisom, datumom i pečatom ponuđača.

Komisija je konstatovala da izvršena ispravka nije urađena na zahtjevani način odnosno da ponuđač „ELECTRA“ d.o.o. Sarajevo prilikom vršenja ispravki nije postupio u skladu sa postavljenim zahtjevima iz tačke 17.1.5 tenderske dokumentacije „Ispravke u ponudi“, koja jasno i precizno definiše način vršenja ispravki i to: ***Ukoliko ponuđači vrše ispravke u ponudi, iste moraju biti urađene na način da su vidljive (ispravljani podaci moraju biti vidljivi), potvrđene potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).***

***Napomena: Ukoliko ponuđač prilikom pripremanja ponude napravi ispravku, istu ispravlja na način da navedene podatke prekriži, ali da isti ostanu vidljivi, zatim navodi nove podatke i iste potvrđuje potpisom i datumom izvršene ispravke.***

S obzirom na navedeno, komisija je konstatovala da ponuda ponuđača „ELECTRA“ d.o.o. Sarajevo ne ispunjava zahtjeve ugovornog organa tražene tenderskom dokumentacijom, te je ponuda ovog ponuđača u skladu sa odredbama članom 68. stav (4) tačka i) Zakona o javnim nabavkama odbačena kao neprihvatljiva i ista nije predmet daljeg razmatranja.

Polazeći od gore navedene konstatacije i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, te je dala preporuku Ugovornom organu da za predmetnu nabavku donese odluku o poništenju postupka javne nabavke.

Na osnovu preporuke komisije za javne nabavke, ugovorni organ je dana 08.07.2020 godine donio Odluku o poništenju postupka javne nabavke, izvod broj 26/20, te je odluka istog dana dostavljena ponuđaču „Electra“ d.o.o. Sarajevo.

Dana 17.07.2020 godine, putem protokola ugovornog organa (glavni protokol broj 5034) od strane ponuđača „Electra“ d.o.o. Sarajevo je uložena žalba na pomenutu odluku o poništenju postupka.

Ugovorni organ, smatrajući da su svi istaknuti žalbeni navodi neosnovani, dostavlja žalbu zajedno sa izjašnjenjem na žalbu i kompletnom dokumentacijom Uredu za razmatranje žalbi na odlučivanje po žalbi.

Ured za razmatranje žalbi BiH, Filijala/Podružnica Mostar, je dana 03.09.2020 godine donio Rješenje broj JN2-03-07-1-1839-7/20 (zaprimljeno kod ugovornog organa dana 07.09.2020 g.) kojim se usvaja žalba žalitelja „Electra“ d.o.o. Sarajevo, poništava se Odluka o poništenju postupka, broj 26/20 od 08.07.2020 godine i predmet se vraća ugovornom organu na ponovni postupak.

Postupajući u skladu sa navedenim rješenjem Ureda za razmatranje žalbi BiH, Komisija za javne nabavke je pristupila ponovnom pregledu i ocjeni dostavljene ponude, te konstatovala sljedeće:

Komisija je utvrdila da dostavljena ponuda ponuđača „ELECTRA“ d.o.o. Sarajevo ispunjava zahtjevane TD uslove prema obliku i potpunosti u smislu pripreme ponude.

Pregledom ponude koje je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

<b>R. br.</b>	<b>Zahtjevana kvalifikaciona dokumentacija</b>	<b>Ponuđač: „ELECTRA“ d.o.o. Sarajevo</b>
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačkama od a) do d) Zakona o javnim nabavkama – Aneks IV; Prilog 3.	DA
2.	<b>Tačka: 14.1 TD:</b> Izjava o ispunjenosti uslova iz člana 47. stav (1) tačka a) i (4) Zakona o javnim nabavkama –Aneks V; Prilog 4.	DA
2.1	<b>Tačka: 14.1 TD:</b> Kopija potvrde banke o aktivnosti transakcijskog računa koja nije starija od tri mjeseca računajući od trenutka dostavljanja ponude	DA

R. br.	Zahtjevana kvalifikaciona dokumentacija	Ponudač: „ELECTRA“ d.o.o. Sarajevo
3.	<p><b>Tačka 14.2 TD pod a):</b></p> <p>Ponudač je dužan u svrhu dokazivanja tehničke i profesionalne sposobnosti ispuniti sljedeće minimalne uslove:</p> <p>-da ima uredno izvršena najmanje <u>tri ugovora</u>, čiji je predmet isti ili sličan predmetu nabavke:</p> <p>- <u>instalacija SCADA sistema na poslovima SCADA sistema objekata za vodosnabdijevanje i prečišćavanje otpadnih voda</u> - u minimalnom iznosu: 20.000,00 KM bez PDV-a po ugovoru, za period ne duži od tri godine ili od datuma registracije, odnosno početka poslovanja, ako je ponudač registriran, odnosno počeo sa radom prije manje od tri godine. Pod sličnim ugovorima se smatra: Izgradnja objekata za vodosnabdijevanje i prečišćavanje otpadnih voda sa pripadajućim sistemom daljinskog nadzora i upravljanja. Instalacija SCADA sistema na poslovima SCADA sistema objekata za vodosnabdijevanje i prečišćavanje otpadnih voda podrazumjeva podešavanje i puštanje u rad svih komponenti i parametara koji su vezani sa tehnološki proces prečišćavanja otpadnih voda. Obzirom da se radi o kompleksnom postrojenju, gdje svi parametri moraju biti usklađeni sa zahtjevima Uredbe o uslovima ispuštanja otpadnih voda u okoliš i sisteme javne kanalizacije, potrebni su navedeni ugovori na sličnim poslovima sistema vodosnabdijevanja i prečišćavanja otpadnih voda.</p> <p>Dodatno objašnjenje pod pojmom „Izgradnja objekata za vodosnabdijevanje i prečišćavanje otpadnih voda“ u ovoj tenderskoj dokumentaciji podrazumjeva izgradnju SCADA sistema tj. ugradnja potrebnih elemenata, podešavanje parametara i puštanje u rad istog na ovakvim ili sličnim objektima kao što je navedeno. Ovo nikako ne podrazumjeva gradnju u građevinskom i mašinskom smislu, već samo konkretno za dio SCADA sistema.“</p> <p>Napomena: Ponudači su dužni <u>kumulativno ispuniti oba postavljena uslova</u> odnosno dužni su dokazati da su uredno realizovali minimalno:</p> <p>- tri ugovora na instalaciji SCADA sistema na poslovima SCADA sistema objekata za vodosnabdijevanje i prečišćavanje otpadnih voda koji je isti ili sličan predmetu nabavke u minimalnom iznosu: 20.000,00 KM bez PDV-a po ugovoru za period ne duži od tri godine ili od datuma registracije, odnosno početka poslovanja, ako je ponudač registriran, odnosno počeo sa radom prije manje od tri godine.</p> <p>U svrhu dokazivanja gore navedenog uslova potrebno je dostaviti:</p> <p>- Spisak izvršenih ugovora (instalacija SCADA sistema na poslovima SCADA sistema objekata za vodosnabdijevanje i prečišćavanje otpadnih voda) u skladu sa članom 48. stav 2. ZJN, koji su u vezi sa predmetom nabavke, za period ne duži od tri godine ili od datuma registracije, odnosno početka poslovanja, ako je ponudač registriran, odnosno počeo sa radom prije manje od tri godine, koji sačinjava sam ponudač, na svom poslovnom papiru/memorandumu, i</p> <p>- Potvrda koju daje druga ugovorna strana o realizaciji ugovora. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takva potvrda osigura.</p> <p>Potvrda o uredno izvršenim ugovorima mora sadržavati sljedeće podatke:</p> <ol style="list-style-type: none"> <li>naziv i sjedište ugovornih strana ili privrednih subjekata,</li> <li>predmet ugovora,</li> <li>vrijednost ugovora,</li> <li>vrijeme i mjesto izvršenja ugovora,</li> <li>navode o uredno izvršenim ugovorima</li> </ol>	<p>DA</p> <p>Spisak izvršenih ugovora, Potvrde:</p> <p>1.Mibral Sarajevo. Potvrda izdata 11.06.2020.godine Vrijednost Ugovora 133.315,71 KM sa PDV-om;</p> <p>2.Mukić komerc Jajce Potvrda izdata 11.06.2020.godine Vrijednost Ugovora 147.191,00 KM bez PDV-a;</p> <p>3.Aktor Mostar Potvrda izdata 20.12.2019. godine Vrijednost Ugovora 200.163,00 KM</p> <p>4.Unioninvest holding d.d. Sarajevo Potvrda izdata 04.07.2019.godine Vrijednost Ugovora 412.165,96 KM</p>

R. br.	Zahtjevana kvalifikaciona dokumentacija	Ponudač: „ELECTRA“ d.o.o. Sarajevo
	<p><b>Tačka 14.2 TD pod b):</b></p> <p>Ponudač je dužan u svrhu dokazivanja tehničke i profesionalne sposobnosti ispuniti sljedeće minimalne uslove:</p> <p>-da će za potrebe izvođenja konkretnih usluga, koji su predmet ugovora, angažovati tehničko osoblje koje je ključno za izvršenje ugovora sa sljedećim kvalifikacijama:  <u>minimalno 4 inženjera elektrotehnike VSS</u> (potrebno je da inženjeri imaju završen bilo koji od sljedećih smjerova: automatika i elektronika ili telekomunikacije ili informatike) sa položenim stručnim ispitom za sisteme slabe struje (za koje se ne zahtjeva da su zaposleni kod ponuđača sa navedenim imenima osoba)</p> <p>U svrhu dokazivanja gore navedenih uslova potrebno je za svakog inženjera posebno dostaviti:</p> <p>-Ovjerenu kopiju diplome inženjera elektrotehnike VSS (smjer automatika i elektronika ili telekomunikacije ili informatike) koja nije starija od tri mjeseca od dana ovjere (Sud, Opština ili notar);</p> <p>-Ovjerenu kopiju Uvjerenja o položenom stručnom ispitu za sisteme slabe struje koja nije starije od tri mjeseca od dana ovjere (Sud, Opština ili notar).</p>	DA
	<p><b>Tačka 14.2 TD pod c):</b></p> <p>Ponudač je dužan u svrhu dokazivanja tehničke i profesionalne sposobnosti ispuniti sljedeće minimalne uslove:</p> <p>-da ima angažovano tehničko osoblje sa Certifikatima o osposobljenosti obučeno za rad na održavanju WinCC SCADA sistema (za koje se ne zahtjeva da su zaposleni kod ponuđača sa navedenim imenima osoba – 2 izvršioca)</p> <p>U svrhu dokazivanja gore navedenih uslova potrebno je za svakog inženjera posebno dostaviti:</p> <p>- za angažovano tehničko osoblje sa Certifikatima o osposobljenosti obučeno za rad na održavanju WinCC SCADA sistema potrebno je dostaviti: - Izjavu ponuđača u skladu sa odredbama čl. 50. tačka c) ZJN angažiranom tehničkom osoblju ili tehničkim organima, za koje se ne može zahtijevati da su zaposleni kod kandidata/ponuđača.</p> <p><u>Napomena: Potrebno je da ponudač prilikom popunjavanja Izjave o ispunjenosti uslova iz člana 50. ZJN (Tehnička i profesionalna sposobnost u postupku nabavke usluga) – Aneks VI, Prilog 5. zaokruži tačku c), a u okviru dijela izjave: "Naveći precizne podatke vezane za zahtjeve iz tenderske dokumentacije" potrebno je da ponudač detaljnije i preciznije opiše ispunjenost postavljenih uslova – (taksativno prema stavkama iz tačke c) TD, navede precizne podatke o tome čime raspolaže ponudač u sklopu postavljenih uslova.)</u></p> <p><u>Izjava ne smije biti starija od 30 dana od dana predaje ponude sa potpisom i pečatom ponuđača.</u></p>	DA
4.	<p><b>Tačka 14.3 TD:</b></p> <p>Original ili ovjerena fotokopija Aktuelnog izvoda iz sudskog registra ovjerena od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponudač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.</p>	DA

Ponudač „ELECTRA“ d.o.o. Sarajevo u dostavljenim Izjavama iz čl. 45., 47. 50. ZJN nije naveo broj Službenog glasnika BiH kao ni vrstu postupka.

Komisija je stava da nepopunjavanje broja Službenog glasnika BiH kao ni vrste postupka u navedenim izjavama u konkretnoj nabavci ne predstavlja nedostatak zbog kojeg bi ponuda trebala biti odbačena jer se iz sadržaja izjava nesporno utvrđuje da se iste odnose na predmetni postupak nabavke, te su iste uredno potpisane i ovjerene, a također je upisan tačan naziv predmeta nabavke, naziv ugovornog organa kao i broj obavještenja o javnoj nabavci.

Komisija konstatuje da ponudač „ELECTRA“ d.o.o. Sarajevo ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je sljedeće:

<b>R. br.</b>	<b>Ostala zahtijevana dokumentacija/aneksi-prilozi</b>	<b>Ponudač „ELECTRA“ d.o.o. Sarajevo</b>
1.	<b>Tačka: 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 6.	DA
2.	<b>Tačka: 16.TD pod 1:</b> Obrazac za ponudu – Aneks II; Prilog 1.	DA
2.1	<b>Tačka: 16.TD pod 1.1.:</b> Popis dokumenata uz ponudu koji čini sadržaj ponude – Aneks II; Prilog 1	DA
3.	<b>Tačka: 20 TD:</b> Obrazac za cijenu ponude – Aneks III; Prilog 2	DA
4.	<b>Tačka 31 i 36 TD:</b> Nacrt okvirnog sporazuma – Prilog 8.	DA
5.	<b>Tačka: 31 i 37 TD:</b> Nacrt ugovora o javnoj nabavci – Prilog 9.	DA
7.	<b>Tačka: 43 TD:</b> Povjerljive informacije – Prilog 7.	DA

Ponudač „ELECTRA“ d.o.o. Sarajevo u dostavljenoj Izjavi iz čl. 52. ZJN nije naveo broj Službenog glasnika BiH kao ni vrstu postupka.

Komisija je stava da nepopunjavanje broja Službenog glasnika BiH kao ni vrste postupka u navedenoj izjavi u konkretnoj nabavci ne predstavlja nedostatak zbog kojeg bi ponuda trebala biti odbačena jer se iz sadržaja izjave nesporno utvrđuje da se ista odnosi na predmetni postupak nabavke, te je ista uredno potpisana i ovjerena, a također je upisan tačan naziv predmeta nabavke, naziv ugovornog organa kao i broj obavještenja o javnoj nabavci.

Komisija je konstatovala da je u Obrascu za cijenu ponude (Aneks III; Prilog 2.), za stavku pod rednim brojem 6. specifikacije u koloni 10. „Ukupna vrijednost u KM bez PDV-a“ i koloni 12. „Konačna jedinična cijena bez popusta ili sa popustom u KM (ukoliko se nudi)“ urađene ispravke na način da je raniji iznos prekriven korektorom i preko njega je upisan novi iznos koji je potvrđen potpisom, datumom i pečatom ponuđača. Izvršene ispravke nisu urađene na način koji je propisan tačkom 17.1.5 tenderske dokumentacije „Ispravke u ponudi“.

Iako ispravljeni podaci nisu vidljivi, a što je zahtijevano tačkom 17.1.5 tenderske dokumentacije, Ured za razmatranje žalbi je u vezi pomenutog u svom rješenju (broj : JN2-03-07-1-1839-7/20 od 03.09.2020.g.) naveo sljedeće :

*„Izvršena ispravka ne dovodi u sumnju izraženu jediničnu cijenu, ne dovodi u sumnju ko je i kada vršio ispravku, a to što ispravljeni podatak nije ostavljen vidljivim, predstavlja formalni nedostatak radi kojeg nije potrebno odbaciti ponudu žalitelja“.*

S obzirom da je ugovornom organu pomenutim rješenjem Ureda za razmatranje žalbi naloženo da u ponovnom postupku postupi u skladu sa uputama iz ovog rješenja, komisija za javne nabavke postupa u skladu sa uputama, te to što ispravljeni podatak nije ostavljen vidljivim predstavlja formalni nedostatak zbog kojeg ponuda ne treba biti odbačena.

Komisija konstatuje da je ponuđač „Electra“ d.o.o. Sarajevo dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Također je konstatovano da je ponuda ponuđača „Electra“ d.o.o. Sarajevo potpisana od strane podnosioca ponude i ovjerena pečatom ponuđača, te ima broj i datum.

Računskom kontrolom specifikacije ponude ponuđača „Electra“ d.o.o. Sarajevo konstatovano je da nema računskih grešaka.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „Electra“ d.o.o. Sarajevo iznosi **69.960,00 KM bez PDV-a.**

Komisija jednoglasno daje prijedlog Ugovornom organu da za nabavku usluga „**Održavanje telemetrijskog sistema na PPOV Butila**“ – tender broj 26/20 donese Odluku o dodjeli ugovora ponuđaču: „**Electra**“ d.o.o. Sarajevo, broj ponude: 118/P/2020 od 23.06.2020. godine, čija vrijednost ponude iznosi: **69.960,00 KM bez PDV-a.**

Iz gore navedenih razloga, primjenom člana 64. stav 1. tačka b) ZJN, donesena je Odluka o izboru najpovoljnijeg ponuđača kao u članu 1. ove odluke.

#### **Pouka o pravnom lijeku :**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :  
- Ponuđaču  
- a/a

  
v.d. Direktor

Adnan Hodžić, dipl.ing.maš.